

PROXECTO DO REGULAMENTO DA VENDA AMBULANTE

Capítulo I.- Disposicións Xerais

Artigo 1º.- De conformidade co disposto nos artigos 74 e seguintes do Regulamento de Bens das Entidades Locais, Lei 10/1988 de 20 de Xullo, de ordenación do comercio interior de Galicia e R.D. 1.010/1985 de 5 de xuño, a ocupación de bens de dominio público con postos dedicados á venda ambulante de artigos e obxectos para a comunidade veciñal está suxeta á previa e preceptiva licencia municipal.

Artigo 2.- As licencias solicitaráanse ante o Concello por escrito, o que acompañarase a documentación a que se refire o artigo 4º do presente Regulamento ou o compromiso de aportala no prazo de 10 días dende que se conceda provisionalmente a licencia ó interesado.

A solicitude especificará a clase de licencia (entre as comprendidas no artigo 6º, a clase de artículo que se pón a venda, o lugar ou zona onde se vai vender e a clase e superficie do posto.

Artigo 3.- Poderán optar á concesión que se regula neste Regulamento todos os españois e extranxeiros que teñan plena capacidade xurídica e de obrar. Os extranxeiros haberán de acreditar como requisito ineludible, coa solicitude de licencia, que están en posesión do permiso de traballo por conta propia expedido pola autoridade competente.

Terán prioridade para a obtención da licencia, as persoas que sexan vendedores ambulantes e teñan a súa residencia habitual neste término municipal. Teranse en conta ademais o grao de necesidade que demostren ou acrediten, así como a antigüedad no exercicio da actividade neste concello. En situación de igualdade resolverase a adxudicación por sorteo.

Artigo 4º.- Coa solicitude de licencia de venda ambulante os interesados deberán presentar:

a) Declaración de alta no epígrafe ou epígrafes do Imposto de Actividades Económicas correspondente á actividade de que se trate.

b) A documentación que acredite a concurrencia das condicións requiridas pola normativa sectorial específica do produto obxecto de venda, no seu caso.

c) Declaración de alta no réxime de Traballadores Autónomos da Seguridade Social.

d) Dous fotografías tamaño carnet.

Artigo 5º.- Será preciso o dictamen da Comisión para determinar o grado de incidencia da ocupación e actividades solicitadas no uso común xeral do dominio público e a existencia de posibles perxuizos para os establecementos que se adiquen o comercio da mesma clase.

Capítulo II.- Clasificación de licencias

Artigo 6º.- As licencias clasifícanse en:

a) Licencia para a venda de artigos de temporada, distribuídos por toda a cidade e con emprazamentos nas zonas ou lugares que se fixen en cada caso (venda de xelados, castañas, etc.).

b) Licencia para a venda usual na vía pública, por prazo determinado e en puntos ou zonas previamente sinaladas (dulces, churros, etc.).

c) Licencia temporal para o exercicio de servicios ou actividades (fotógrafos, afiadores, limpeza de calzado, etc.).

d) Licencia temporal para a venda de obxectos de artesanía e adorno de pequeno tamaño, elaborados total ou parcialmente polos propios solicitantes e que non se despachen usualmente en establecementos fixos, en áreas elixidas para a concentración de vendedores. Non poden incluír roupas nin produtos alimenticios. O módulo do posto é de 2 metros de longo por 1 de largura e ningún vendedor pode obter licencia para máis dun módulo, salvo que xustifique a necesidade de maior ocupación de espazo, caso no que pódese conceder excepcionalmente licencia para dous módulos.

e) Licencias temporais para a venda de produtos de interese para a comunidade veciñal (roupa, zapatos, obxectos de barro, etc.), non sendo produtos alimenticios, e nas zonas previamente sinaladas pola Corporación. As prendas e produtos obxecto de venda deberán ter etiqueta de fabricante e o vendedor mostrará a factura de compra por requerimento das Autoridades ou Funcionarios municipais.

f) Licencias temporais de venda de produtos alimenticios de interese para a comunidade veciñal, nas zonas previamente sinaladas pola Corporación.

Distingúense:

f.1) Venda ambulante de produtos alimenticios realizada por maioristas ou minoristas.

f.2) Venda ambulante de produtos alimenticios agrícolas, realizada polos propios produtores.

Para a venda de produtos alimenticios os interesados, xunto coa documentación sinalada no artigo 4º deberán aportar o carnet de manipulador de alimentos, e a concesión de licencia farase de acordo coa Lexislación vixente respecto a este tipo de produtos. O módulo nos postos de venda para as licencias de clase e) e f) será de 10 metros de longo por 2 metros de largura e ningún vendedor poderá obter licencia para máis de dous módulos, salvo que xustifique a necesidade de maior ocupación de espazo, caso no que pódese conceder excepcionalmente licencia para tres módulos, si as disponibilidades de espazo o permiten.

Artigo 7º.- Todas as licencias son por prazo determinado e renovables unicamente por decisión municipal e por períodos de tempo iguais e sucesivos. Si o seu titular interrompe a actividade e ocupación para a que está autorizado por un tercio do período de vixencia da mesma, automaticamente prodúcese a súa caducidade.

Si o titular das actividades comprendidas no artigo 6º apartados e) e f) interrompe a actividade durante catro días consecutivos, automaticamente prodúcese a caducidade da licencia.

Artigo 8º.- As licencias son intransmisibles e os seus titulares non poden vender máis que os produtos para os que están autorizados. Ninguén poderá ser titular de máis dunha licencia.

A infracción ó disposto neste artigo será sancionada coa perda da licencia.

Artigo 9º.- O número de licencias para cada actividade será fixado pola Corporación en función dos espazos idóneos disponibles e das solicitudes presentadas, de acordo cos criterios sinalados no artigo 6º. O acordo sobre ampliación ou redución de zonas e puntos de emprazamento dos postos terá en conta as condicións mencionadas no artigo 5º.

Capítulo III.- Uso de licencias

Artigo 10º.- Unicamente otorgaranse licencias para a instalación de postos temporais de venda naquelas áreas da cidade determinadas polo acordo corporativo, tras o informe técnico e o das Entidades ou Asociacións representativas que sexan consultadas. Os citados informes non terán carácter vinculante.

Artigo 11º.- A licencia municipal deberá expoñerse en lugar visible e estará a disposición dos funcionarios municipais competentes. No seu defecto, éstos poderán prohibir o exercicio da actividade e a ocupación.

Artigo 12º.- Os postos de venda serán facilmente desmontables e a actividade e ocupación solamente poderá ter lugar nos días e horas sinalados pola Corporación Municipal na licencia correspondente.

Os postos de venda non poden situarse en accesos a edificios de uso público, establecementos comerciais ou industriais nin ante escaparates ou exposicións, nin en lugares que dificulten esos accesos á circulación peatonal.

Os vendedores ambulantes en mercadillos e mercados ocasionais ou periódicos deberán observar as normas de competencia leal e usos mercantiles e responder dos produtos que vendan de acordo coas leises e disposicións aplicables.

Capítulo IV.- Sancións e revogación de licencias.

Artículo 13º.- O incumplimento das condicións ou a alteración do orden público polos titulares das licencias con ocasión do exercicio da súa actividade é sancionable con:

- a) Multa de ata 5.000 pesetas.
- b) Revogación da licencia e inhabilitación para a obtención dunha nova.

Artigo 14º.- O exercicio de actividades ou a realización de ocupacións reguladas neste Regulamento sin ter a correspondente licencia municipal ou sen axustarse as súas condicións dará lugar, sin prexuício das sancións citadas no artigo anterior que sexan de aplicación, á retirada dos postos de venda ilegais e dos seus produtos.

Artigo 15º.- As licencias quedarán sen efecto e poderán ser revogadas cando desaparezan as circunstancias subxectivas ou obxectivas que motivaron o seu otorgamento ou sobreveñan outras que, de existir cando se deron, xustificaran a súa denegación.

Capítulo V.- Disposicións

finais.

Primeira.- O presente Regulamento rexe na totalidade do termo municipal de Caldas de Reis.

Segunda.- As tarifas aplicables pola concesión das licencias e ocupación de terreos ós que se refire o presente Regulamento rexeranse polo disposto na Ordenanza Municipal respectiva.

Terceira.- Este Regulamento entrará en vigor de acordo co disposto no artigo 70 da Ley 7/1985 de 2 de abril e posteriormente todos os vendedores terán un prazo de dous meses para presentar as solicitudes de licencia coa documentación esixida. Finalizado dito prazo, ninguén poderá exercer as actividades reguladas no mesmo, sen contar coa autorización ou licencia correspondente.

Anexo.- Disposicións adicionais.

Primeira.- Inicialmente a zona dedicada á actividade expresada no artigo 6º apartados e) e f) será a comprendida nas seguintes rúas:

- Rúa Real.
- Rúa Fermín García.
- Rúa Juan Fuentes.
- Campo da Torre.

Dentro desta zona delimitaranse espazos distintos para cada tipo de actividade (roupas, calzado, alimentación, etc.), e sinalarase unha orde de colocación correlativa.

Segunda.- Para as actividades sinaladas no artigo anterior, os días e horas nos que pode realizarse a venda serán todos os luns, de 9 a 14 horas.

A montaxe dos postos pode iniciarse dende as 7 da mañá ata as 9 horas, en que haberán de estar todos montados, non podendo instalarse despois desta hora e a súa desmontaxe haberá de finalizar as 15 horas.

Terceira.- A zona ocupada polos postos deberá quedar en perfecto estado de limpeza unha vez recollidos os mesmos.

Cuarta.- A concesión e renovación ou prórroga de licencias farase por un ano natural e os solicitantes deben aboar o importe de tarifa por adiantado. O non efectualo é causa de revogación.

Quinta.- En todo o non previsto neste Regulamento estarase o disposto nas fontes normativas a que se refire o artigo 5º da Lei 7/1985, reguladora das Bases de Réxime Local.